

# КУЛЬТУРИН ГЕР— СУНЪГЪВРИН ӨДРМҮДТ

Башантан культури Герин агитбригад суулин цагт, хөбчирин 5 бригадар, 2 МТФ-р, 3 гургар эргдж йовдж концертс үзүлв. Эн агитбригад удлго Хар газрт баях хөбчирт оч нар-наад үзүлхмн. Агитбригадин программднь орс болн хальмг ду-бийгын, музыкальн номермүд, частушкс, щүлгүд болн нань чигн соньн номермүд баян. Агитбригадла хамдан, эргдж йовдж кино үзүлдг машин йовхмн. Эн машинд Хар газрт үвлзджях хөбчирт элгн-саднаннь илгяджях, гититофонд бичдж авгдсн гүд, мендин йбралмүд илгяджяна. Хар газрас ирчкяд эн агитбригад района агитпунктсар йовдж нар-наад үзүлхмн.

Культури Герт баях агитпункт плакатсар, лозунтсар кеерүлгдв. „Социалистическ орн-нутгин Конституц“, „Алдр социалистическ орн-нутг“ гидг фото гаяхул, „Социалистическ болн багычудин демократь“, „Агитаторт донь“ гидг дектрмүдин гаяхул баян. „Нарт делкан коммунистическ джисаня алдр нийцан“ и „СССР-н Деед Советин IX сессийн аш“ гидг хойр мяр докладмүд кегдв. СССР-н Конституцин, СССР-н олт-амтна ни-негна, советск сунь-гьлгна системин демократизмин тускар лекце умшгдх зура темдглгдв.

Цааранднь культури Герт баахн суньгьачирин асхн, суньгьлгна закана тускар сурврмудин болн харусин асхн кегдджяхмн. Агитбригадас талдан художественн самодетельность бас концертмүд өгхмн.

Мана советск суньгьачирин культури баял-джиргьлар теткхин төля мана коллектив чидлан арвлшго.

Г. ТЕРЕЩЕНКО,

культури Герин директор.